

嘉靖彰德府志

二

彰德府志卷之三

建置志第三

趙府在永和平門內一里洪熙元年以彰德府署  
改建門曰承運曰宮曰端禮曰體仁在左曰遵  
義在右後曰廣智殿曰存心宮曰內宗廟在  
宮門內東景泰三年以來分封者曰臨漳曰湯  
陰曰襄邑曰洛川曰南樂曰平鄉曰汶源曰昆  
陽曰廣安曰江寧凡十府俱在府東南南樂廣

安在西在東北者為平鄉汝源昆陽江寧隣府  
西其王官以司名者曰長史曰承奉曰儀衛以  
所名者曰典仗曰群牧曰審理曰紀善曰典寶  
曰典膳曰良醫曰典儀曰奉祠曰工正承奉司  
西隣府紀善典寶典膳工正四所在府內餘皆  
環府而建東北曰廣有倉西北曰廣有庫護衛  
曰常山宣德二年群牧所即彰德衛諸王系  
謚具 玉牒今不敢僭錄也府署宋乾德中韓

重寶治相州起民兵伐木西山作州廨頗極宏  
壯太宗見之曰朕居不過是也因命留宿重寶  
奏曰臣以一州之力積年成此陛下居一夕即  
虛之矣不免勞民別創之免御以賜守臣太宗  
命改設幄於廳下至和中忠獻韓公三治相州  
益作堂亭園池雄于河北元改曰路大明洪  
熙元年改為趙府移府治于西百武創作正廳  
東經歷司西照磨所廳後為後堂前列儀門六



房求盛庫土神祠後堂後為知府廨東宅貳幕  
官吏舍附于西府治前為司獄司規制淺隘廳  
堂連薨白書部閣正德十六年知府陳策別作  
正廳五間廳後五武作後堂五間作三門曰中  
曰左曰右設屏門外

儒學在府治西北一里宋至和間忠獻韓公判

相州時建元至元六年修有許有壬記

彰德路儒學學

正燕九萬學錄許中行來言曰我等非才何以承學事邵大夫是賴歲丁丑秋監郡荀公以上

丁祀近獻官行事待次有幕而茲簿惟細之需歲假于市又乾沒則神敗之人用怨譴大  
非所以事神也乃命錄事任允中董役作屋不  
夾日而東西建各五間祀未有次人家無撓矣  
明年五月又以廟門木朽不任啓閉仍命任允  
中撤而一新書閣之欹者正之周垣之缺者完  
之廟宮崇嚴士民改觀六月總管杜公始殿謁  
而塗暨剝落容光宰陋亟命安陽縣尹趙時敏  
填罅圯墜尚懼不密復作承塵為板凡四百方  
士不安肯之訛異今之塵不敢小而畧也敢請  
有王聞而喜曰善有小乎爆其小不益勗其大  
者乎國制有司主學風紀勸其怠而天下主者  
視如其家一敝必修一墜必舉者有幾茂教典  
習故常身雖至而日不一顧者衆矣二公之善  
非其小矣而其大者可不勗哉詩人頌魯僖公  
能修泮宮蓋嘗三復其辭以意逆志而竊有說

焉詩曰穆穆魯侯敬明其德敬慎威儀維民之  
則又曰明明魯侯克明其德又曰濟濟多士克  
廣德心夫敬明克明則上之人以身為教矣推  
以覺人人是効矣故曰克廣德心大學明德新  
民之事也夫泮宮諸侯之學也今列郡之學是  
已學之學者乃學孔子者也孔子天也不可階  
而升也而見之詩書易春秋者皆學者所當致  
力可階而升者也泮宮之詩明德之要其當致  
力之先者乎上以是為教則僖公不專美矣下  
以是為學非魯之多士乎不是之求而或詞華  
是訓功利是趨作偽以干譽緣飭以適徑則雖  
高其閑闕廣舍萬間無益也相古名郡也宋則  
忠獻韓公興設有成金季兵毀國初興修尋復  
廢圯至元六年已巳總管王遵重建繼之營修  
者時有人焉惜其不得燕九萬軍祿之也荀公  
名凱霖西域人社公名德遠定興人二公之有



志於學士之歸美其上可書也書頌  
也頌無親可乎其益勗其大者哉  
大明洪武

三年再建欽降制書雅學營造祭器厨庫弘治  
九年知府馮忠作明倫堂五楹尊經閣五楹閣  
之前建兩廂房各三楹閣後作四教學東齋南  
立明賢祠鄉賢祠在西齋南社學在府治前

稅課司在府治北華林坊鄴城驛在府治西南

永樂十三年建崇盈倉在府治東北陰陽學醫  
學俱在府治北僧綱司在天寧寺道紀司在四



聖宮明亭旌善亭俱在府治前

行署布政分司在府治東北東為按察分司西為府署南關外為太僕司

彰德衛舊在府永和門內洪武七年指揮李真張福創建洪熙元年改建趙府第徙衛於城

東南隅書錦坊都指揮僉事王友建指揮梁輔

修經歷司

附正廳東鎮撫

附正西左千戶所右千戶所

前千戶所後千戶所

俱附本衛左右各鎮撫十百戶所附本所左右宣德

開後千戶所改官九十六員指揮使九員同知二員僉事七員鎮

撫二員千戶正六員副二十二員旗軍舍餘四千

員所鎮撫四員百戶四十四員總旗一百七十九名小旗三百

九百四十七名六十名軍三千九百三十名舍

一百四十九名餘三百二十名歲造軍器九千九百一十九件

甲一百六十副鐵帽一百六十頂腰刀一百六十十把鎗一百六十條圓木牌八十面弓一百六十

十張弦三百二十條箭四千八百枝微袋一百六十副銃箭一千六百枝原降守城

軍器五千一百一十六件銅鐵銃大小二百二十四箇飛鎗一百六

十枝火鎗桶一百六十箇火箭桶一百六十箇火藥皮袋三百二十四箇甲三百二十副鐵帽

三百一十頂腰刀三百二十把旗鎗一百六十  
條鎗三百二十條圓牌一百六十面挨牌一百  
六十面弓一百六十張弦一百六十條箭一千  
四百四十枝撒袋一百六十副榔頭六十箇杌  
頭六十箇鐵丫二十四把揉鈎二十四把悶棍  
八十條黨衆棍六十根鹿角柞子二十箇馬三  
百二十匹屯田地一千三百一十五頃子粒八千  
二百九十八石

黃牛  
八隻

教場在府城南關西議兵具雜志中

**安陽縣在**

趙府後洪武二年知縣蔡誠建

儒學在縣西十步洪武三年蔡誠建正德十五



年知府陳策於明倫堂後作尊經閣五間社學  
在縣學前正德十五年知縣韓德澤建

回隆水驛在縣東九十里永樂十六年建安陽  
通運所在南關永樂十八年建申明亭旌善亭  
俱在縣前養濟院在絃歌坊漏澤園在縣北三  
里安陽橋南

急遞鋪總鋪在南關抵臨漳曰獐豹抵湯陰曰  
七里店曰郭村曰田村抵林縣曰蓋村曰高平



曰夏鋪抵磁州曰高村曰華村曰豐樂市集在城

者不論

華村水冶天韓永和豐樂倫掌新店

湯陰縣署在城之中洪武二年縣丞邢庸建規模尚隘成化四年知縣尚璣再建

儒學在縣東南宋大觀元年建元末廢於兵燹洪武二年邢庸始建成化五年尚璣建大城殿明倫堂及東西齋舍倉庫社學在縣治東尚璣建

宜溝驛在縣南二十五里驛丞劉斌建宜溝通  
運所在縣南二十五里塌河地運所在縣東五  
十里預備倉凡二在縣治南尚璣建陰陽學在  
縣治東正德十一年知縣于宗德改縣治前醫  
學在陰陽學南僧會司在崇壽寺申明亭旌善  
亭俱在縣治東養濟院在縣治南漏澤園在縣  
北三里

行署太僕分司在縣治南察院在縣治西東為

布政分司又東為府署俱邢庸建

教場在縣城南三里

急遞鋪抵安陽曰部落抵淇縣曰光村曰李朱岡曰宜溝

市集塌河青家鹿樓

臨漳縣署洪武二十七年知縣楊辛建僅有正廳儀門六房而已繼宦者漸增廨舍弘治十一年知縣景芳重修



儒學在舊縣東清寧坊洪武十八年圯於水洪武二十七年楊辛移建於今縣治美化坊弘治元年知縣劉漢建明倫堂十一年景芳改建戟門正德五年知縣竄河病其湫隘改作明倫堂及日新時習二齋七年知縣于宗德增立會饌堂號房社學成化中知縣崔璘建在縣治西小街東弘治中景芳改建在儒學後預備倉二所一在縣治南甸宣坊一在縣治西營坊洪武二



十四年楊辛建弘治十一年景芳建新倉在縣  
治西陰陽學醫學俱在縣治東弘治十六年景  
芳建僧會司在日光寺正德八年知縣于宗德  
奏設養濟院在縣治西

行署太僕分司在縣治西正統十一年知縣趙  
俊建水歲為患今僅存前廳及馬神祠而已布  
政分司宣德三年知縣蘇信建按察分司縣治  
東洪武二十七年楊辛建府署弘治二年知縣